

將復然其不至有餘怨也少矣是安得謂之善和其怨者乎

是以聖人執左契正念現前而不責於人勿與勿競故有德司契以心契心執其

信無德司徹自非寂照何能渾然

又曰契卽文券合同之類彼此各藏其半有事則取以相合而爲憑者也言世人之所以解怨不解者緣於昧性以求妄而馳逐於名利之場無有人從而默化之也惟聖人淡泊以明性不適聲色不殖貨利與人相安於無爲相渾於無心使天下盡去妄以求復性迨性復而妄捐莫不曠然自得油然而相與而怨無從生是猶之聖人執其左契而人皆以右契來合兩兩相印初未嘗有責於人也而感者不介而孚矣此所

道藏輯要

道德經解

卷

心集一

謂有德則司契而無德者家爲之喻戶爲之曉盡人而召之盡人而止之雖通徹以治理不終勞苦而罔功乎是之謂無德則司徹也徹訓通

天道無親靈光獨耀迥脫根塵常與善人無得無失

又曰聖人司契如此則其有契於天心也明矣惟天虧盈惟天福善大公至正固無所爲疎而亦無所爲親也善則是與而已矣天不與聖人而將誰與也哉

獨立章第八十

小國寡民大智光中

普鍊帝君注曰此章是太上治世心法本領俱寓於此太上

生當文勝之時急欲返之於質故竊願得小國而寡民者一治之是亦方六七十如五六十之謂亦卽如有用我其爲東周之意

使有什伯可人之器而不用其國太平使民重死一念不生而不遠徙念

在雖有舟車三車來往無所乘之實無來去雖有甲兵負甲持符無所陳之六

淨清使民復結繩而用之信是道之源

又曰有國有民將何道以治之曰將以愚之而已後世覺民於智民智一生萬妄將作而負才者恃才厚生者輕生不馳逐於商賈卽肆志於甲兵而古處之風杳矣惟常使之相安於無爲卽有什伯人之才器而不表見以求用於當時亦使

道藏輯要

道德經解

卷

心集一

之囿於方隅重於性命而不肯輕去其鄉雖舟與車莫不供給而無所遷徙則亦莫有乘之者矣雖甲與兵罔弗具備而舍強就弱則亦安有陳之者乎充斯治之則是書契徒爲滋擾正不若太古之初結繩而治之者古道爲堪復也

甘其食味道之腴美其服受道之庇安其居處道之安樂其俗樂道之和

又曰民風渾噩若是亦安有所爲衣食之甘美也乎又安有所爲居俗之安樂也乎而不知食難盡甘見以爲甘則甘之矣其食固自甘也服難盡美見以爲美則美之矣其服固自美也居難盡安而俗難盡樂見以爲安與樂則安且樂之矣其居其俗固自安也樂也四其字要理會蓋卽渾噩之民所

自有也與不改其樂其字同義

鄰國相望心心相照雞犬之聲相聞照見五蘊皆空民至老死灰心絕念不相往

來自如

又曰對國而言則有鄰言民苟甘食美服安居樂俗如是則共處於不識不知之天而無所用其周旋矣故雖相望有鄰國相聞有雞狗而爰居爰處得安生業彼此無求無與雖至老死可以不相往來則淳風沕穆省卻多少紛更滋擾治國之道無踰於此

顯質章第八十一

信言不美淡而不厭美言不信甘而不悅善者不辯訥言敏行辯者不善巧言易以

道藏輯要

道德經解

卷

心集一

尤招知者不博守元得一明理達根博者不知通於物務事多則惑

普鍊帝君注曰信誠實也誠實之言有根本而無枝葉固不足以悅人之耳未見美也而不美實有至美者存若多事美言或秩秩或娓娓是誠美矣而言不由中徒滋圭玷亦安取是不信為哉推之於善果有美之在中焉用辯論以自炫而喋喋好為辯給者是佞而已矣未見為善也况大道只要能知知則貫貫則該其焉用博苟沾沾於多學而識自謂能博究之窮大失居其所知固甚黯也不可謂之知也

聖人不積聖道運而無所積既以為人已愈有如鑑之照而不疲既以與人已

愈多如井之汲而不竭